

度
支
奏
議

度支奏議目錄

山東司卷二

題差官解山海撫賞充馬價疏

題覆袁督師請祭遼引易銀成鑄并開鉛礦疏

題覆瑞府全支本色食鹽疏

題覆兩淮鹽院張養鹽課溢額疏

題覆陶掌科條議宜鎮鹽糧改折并島餉疏

題王員外接管邊餉司疏

題覆萊州衛楚邦楨條陳民屯及贍軍地畝疏

題覆兩淮塩院張養議定塩課歲額疏

題覆山東災荒賑恤疏

題覆袁督師續請馬價疏

題覆山東撫按考成積穀官員疏

題覆謝操院問擬淮南招罪疏

題覆兩淮新塩院鄧啓隆條陳三款疏

題覆山東撫按議將支剩民屯留充兵餉疏

題覆戶科黃承昊條陳兩淮塩汰疏

題覆兩浙塩院吳之仁請補燒燬引目疏

題覆戶科汪始亨條議屯田照民田起科疏

題覆兩浙水災免加塩課并禁票塩疏

度支奏議卷之二

太子少保戶部尚書淄青畢自嚴視草

題差官解山海撫賞充馬價疏

題爲馬匹盔甲必不可少不可遲乞

勅蚤覆蚤發以張捷伐以靖東隅事山東清吏司案
呈三月初三日奉本部送戶科抄出本部題前
事等因二月二十九日奉

聖旨卿前面奏認發撫賞銀十三萬一千九百餘兩
先發五萬其餘卽措處續發亦不得遲延欽此欽

遵抄出到部送司案呈到部該臣等查得據
銀兩自天啓四年秋季起至崇禎元年止除解
發外尚欠銀一萬五千八百八十四兩四錢再
以崇禎二年全數計之又該一十一萬六千六
十二兩五錢共該一十三萬一千九百四十六
兩九錢今先措發銀五萬兩餘容陸續再解業
經奉有

明旨欽遵在卷合將先措銀五萬兩差官解發今查
本部司屬官少差多業經題

准仍舊借差查有

武英殿中書舍人倪甫蔭在任空閑堪以差委相
應具題恭候

命下臣部劄太倉銀庫先措發銀五萬兩令本官押
運至遼東督師衙門交收仍取實收繳部查考
其差官應用廩給夫馬臣部移咨兵部照新例
限定夫馬給發等因

崇禎二年三月十五日具

題十九日奉

聖旨是欽此

題覆袁督師請發遼引易銀成鑄并開鉛礦疏
題爲行引足餉償貸鼓鑄并報開採事山東清吏
司案呈崇禎二年三月二十六日奉本部送戶
科抄出關寧督師尚書袁崇煥題前事本年三
月二十日奉

聖旨這遼引易銀償貸鑄錢并鉛礦事宜該部卽與
覆行欽此又該薊遼總督喻安性順天巡撫王應
豸巡按直隸監察御史陳睿謨各題同前事俱

奉

案呈到部該臣等看得天地之利藏於山澤生財之法莫過於鑄山煮海如遼東鎮每年額中兩淮鹽六萬三千九百二引二十斤每引納價五錢該銀三萬一千九百五十一兩零五分山東鹽六萬二千五百引每引納銀一錢五分該銀九千三百七十五兩二項鹽引共該引價四萬一千三百二十六兩零五分當廣寧存且原係各商上納糧料以充兵馬之用與各邊例

同後因廣寧失守移中山海又因米豆價昂臨
市撫賞每致歷年逋欠天啓六年引價各商認
辦撫賞今尚欠三萬有奇未完臣因撫物稽遲
故於通查遼左缺餉之因覆疏內議以撫賞全
支於太倉而遼東引價請另法督徵以奏遼東
實額今督師疏

請前項遼引除六年市撫賞外欲將天啓七年及崇
禎元年二年共三年鹽引差官押商資至齊淮
之間易銀十二萬兩捐零者寬商令買銅鉛以

解鼓鑄以抵原借鑄本十萬并借物賞三萬
數正與臣部另法督徵之意相符所當依擬
行者也及查該鎮塩引前因天啓五年兩淮勘
合遲發致被囤戶邢時順等將遠年積鈔抵行
彼時若任其占奪不爲變計則遼鎮額引必置
高閣數萬引價化爲烏有臣部隨將該鎮勘合
接年預發關引以便內商掣塩納課其應給邊
商引價俟邊商納完撫貨取有實收到部另給
文票賞投運司驗明方准給銀并將囤戶邢時

順等題叅禁革在案今查天啓七年勘令已預
發運司關引所有崇禎元二年勘合在部未發
至于勘合原爲運司關引之符非可易銀者也
若邊商與內商易銀例用倉鈔今遼引非納糧
料則無倉鈔可給故臣部曾設印票代之合聽
督師將三年塩引另給印票差官押商前赴各
該運司催易引價以成鑄事其元二年見在勘
合卽應封送督師轉發以便責成諒兩處塩臣
爲

國持籌首重榆關必不煩督師之叮嚀也若北
之灤州產黑鉛廣東之連山英德廣西之武宣
產窩鉛灤州係督師所屬廣東廣西爲督師系
梓地聞見甚真今灤州見在採取該道府州奉
行有驗採取之鉛六輸官四與民仍出值市之
儘足充軍中彈子之用既有利於

國家且無損於地方應聽亟行廣東廣西所產窩
鉛堪充鑄事前督鑄侍郎孫居相於邊儲告急
疏內曾有開採廣東陽山鉛礦之議巨部業已

覆行撫按詳議酌行今督師之議不謀而合矣
且以守土之官督土著之民開採旣行四六徵
取利民非以擾民何憚而不爲乎倘所得鉛多
則半解臣部半解榆關佐鑛生財良非小補惟
工本一項稍費商確是在二省撫按司道酌量
應動項欸報部以便商確舉行可耳仍令該撫
按年終將開採官員咨會督師題敘紀錄以勸
有功庶人心奮而集事亦易矣所當行文兩省
撫按轉行所屬一體開採以觀厥成者也旣經

督撫按各臣會題前來相應覆

請恭候

命下臣部移文各衙門遵奉施行

崇禎二年四月十一日具

題本月十四日奉

聖旨是欽此

題覆瑞府全支本色食鹽疏

題爲恭謝

聖恩并請照例全給本色食鹽以敷臣贍事山東清吏司案呈崇禎二年四月初二日奉本部送戶科抄出

瑞王常浩題前事等因本年三月二十四日奉

聖旨覽王奏食鹽本色既有成例着該部查照覆行欽此欽遵抄出到部送司案呈到部該臣等看得

瑞藩食塩一千三百引當

分封之始原派支於河東運司旣而

本藩以漢中接壤蜀省疏

請改支蜀塩及後河東塩臣李燦然虞蜀塩闌入漢
中以爲額課之累又以道路險遠解運頗難故
有議解本色三百引餘解折色之疏而

王不允未幾蜀省撫按以漢中非行蜀塩之地派
非其分力爲地方請命已經臣部覆

准仍令河東支取卽

本藩亦願食河東之塩無復有異議矣惟欲照依
福藩之例全支本色奉有查照覆行之

旨及查

福藩食塩原係全支本色

瑞藩與

福藩同屬懿親自難差等第前塩臣以解運維艱
故議改折今兩持其說事處兩難或姑斟酌于
塩臣之議准其本折各半或

俯從本藩之請令其本色全支此則

皇上親親之仁宜民之義出自

聖裁而非臣等所敢擅擬也恭候

命下臣部以便遵奉施行

崇禎二年閏四月十七日具

題本月二十日奉

聖旨這瑞藩食鹽本色准照原請成例行欽此

題覆兩淮鹽院張養鹽課溢額疏

題爲查催未完章奏事山東清吏司案呈崇禎二年四月初六日奉本部送戶科抄出兩淮巡鹽御史張養題前事等因本年四月初一日奉

聖旨知道了該部知道欽此欽遵抄出到部送司具覆聞又奉本部送准應天巡撫曹文衡咨并都察院咨據應天巡按田惟嘉呈同前事內稱查得許志吉先經前院問擬斬罪會同巡按田御史於崇禎元年九月內題奉

欽依隨准刑部移咨見在追贓發落其程夢庚贓
亦於元年四月內題豁訖各等因回覆到部送
司案查崇禎元年二月內該廣西布政司經歷
程光裕題爲權奸蠹

國已深等事奉

聖旨許志吉等騙嚇多贓蠹壞塩課着行地方各該
撫按及塩臣嚴覈具奏程夢庚贓銀并着該撫按
確審果係虛贓准與蠲豁該部知道欽此欽遵抄
出到部已經移咨都察院轉行兩淮巡塩及應

天巡按御史并應天巡撫查覈去後今據兩淮
巡鹽回

奏并應天撫按咨覆前來查已歸結外其巡鹽所
稱淮課溢額一節相應具覆案呈到部該臣等
看得許志吉乘黃山一案攬差追贓因而嚇詐
繳民事雖在於江南然議行浮課圖賣引窩禍
實蔓於江北前據經歷程光裕爲任程夢庚叩
閭鳴冤奉

旨行文查覈已經應天撫按問結程夢庚虛贓亦已奉

旨蠲豁占引賣窩之事已經停革無庸復議矣惟
淮南多屬徽民自黃山獄起人人受累嗟茲孑
遺之商業已莫必其命塩臣適值困憊之後一
切塩課實難應手故諄諄以舊額爲言且云六
十萬正課之外仍添六十餘萬爲權取之盡利
也臣部與塩臣誼屬同舟心期共濟寧不諒徵
解之維艱哉第錢穀各有項欸各有歸着非創
議於今日亦非敢空責群商以無米之炊今議
得而備言之如遼餉一項始於天啓元年前任

侍郎臧爾勸所題行者原議兩淮每引帶鹽土
五斤徵銀一錢共七萬兩合折價七萬共十四
萬兩除淮撫留用一萬八千三百六十四兩外
每年實解遼餉銀一十二萬一千六百三十六
兩去歲鹽臣議豁此項以蘇商困已覆

准每引減徵五分共減去三萬五千兩再除淮撫留
用外實止解銀八萬六千六百三十六兩此因
鹽臣之請而議從寬政者也昨會議邊餉條陳
中尚有責臣部以不應准減者矣如黔鹽一項

係天啓六年前任尚書李起元因偏沅撫臣
夢得有借塩生息之請遂議行淮塩五萬引於
黔省每歲徵銀六萬五千兩以充黔餉此因黔
事未寧故議行黔塩以濟急用者也如庫價一
項查疏理道舊例凡邊商納完塩糧賁執勘鈔
到淮運司卽於庫內每引先給引價二錢五分
使邊商蚤得回邊辦糧至行塩時候內商將應
與邊商引價之內照數扣還運庫名曰庫價其
餘邊商與內商自行交易立法甚善天啓六年

兩淮以

大工緊急不暇顧邊盡將庫價搜括助工以致邊
商守候經年塩糧遲壓後蒙

皇上恩詔渙頒着令仍設庫價照舊查給塩臣正當
運庫搜括之後措處良苦昨歲臣部與科臣黃
承昊俱以庫價爲請奉有暫緩額解二十萬抵
給庫價三月後照舊解部之

旨蓋亦洞燭淮庫之乏而爲此通融之計也如助
工七萬九千餘兩原屬額外之徵前工部以

工費繁議欲再行二年臣部恐各商稱厲止議
年再行一年以後卽行停止以示休息此新奉
俞旨者也如部商之二十萬則係天啓五年前任尚
書李起元所題行者查淮南自疏理道減斤法
行之後增有積引引窩二十二萬行至丁卯年
綱法已終理應除革所增引窩以復塩斤之制
李尚書以遼餉缺額題仍招商認行每引計徵
餘沒遼餉銀一兩共增銀二十二萬兩時有淮
商赴部投認一十一萬引每引預納餘塩銀二

錢餘行運司派令未認之商認行此屢奉

欽依者也昨鹽臣恐鹽多壅滯議將前引扣留五萬
每年止行一十七萬雖有多寡之殊實無異同
之見後值大同督撫請增准引以充宗祿臺臣
李柄遂議將扣留五萬照舊全行內以所徵課
銀二萬充宗祿三萬充遼餉正鹽臣所謂部商
二十萬宗祿二萬是也及查前引二十二萬鹽
臣原疏業已准行一十七萬惟扣留五萬見行
鹽臣酌議應行應止一聽區畫可矣如吉鹽之

八萬五千引則因

大工收過各商引銀五萬一千兩未有所給不得
已議將六萬三千餘引銷於溧陽等處食塩之
內未完者銷於扣留五萬之中查食塩原經題
改新引卽以吉引抵銷似屬兩便若扣留事體
難行應聽塩臣斟酌以結此局其帶徵之十萬
則因天啓六年運司拖欠額課二十九萬有奇
一時難以盡完姑准每年帶徵十萬以寬商力
者也其

惠桂之七千蓋指

二藩食鹽而言及查

惠王分封荊州爲淮鹽通行之地難以他適

桂藩食鹽自二年起已奉

旨着粵東供辦矣其津門舡價四萬則係天啓七年
應解臣部額課內支給非敢取於額外也總之
舊通新輸前後駢集不覺爲數多而責備重焉
能東西畫而左右方第邇來餉額不敷饑軍屢
囑邊臣智盡于量沙臣部技窮于點鐵方奉

自集議廣求生財之法恐合損養而別言生利有
不能是不得不望塩臣之殫力調劑以解司庾
之倒懸也至於塩臣原議八款臣部具覆業於
正月十二日移咨都察院轉行此中酌覆已詳
今因塩臣回奏敢再爲剖晰言之聊以明溢額
之數各有原委非臣部敢創爲新奇之說以責
望於一時也恭候

命下臣部移文都察院轉行兩淮巡塩御史應徵解
者卽行徵解應酌議者卽爲酌議施行崇禎二

年四月二十七日具

題閏四月初二日奉

聖旨淮課欵項原委卿部屢疏自明知道了該衙門
知道欽此

題覆陶掌科條議宣鎮鹽糧改折并島餉疏

題爲

詔令如星

聖人善聽乞

勅內外諸臣力洗瞞昧力杜遷延以暢

皇恩以療饑軍事山東清吏司案呈崇禎二年四月

二十八日奉本部送戶科抄出兵科給事中陶

崇道題前事等因本年四月二十二日奉

聖旨詔欵奉行事件原着撫按年終奏繳郡邑官堂

私庇奸阻抑上恩的着悉心防察立行糾察務將
隱發覺撫按併罪陶崇道據所聞見卽指實奏
宜大塩糧賑濟及東江事宜戶兵二部各議覆該
衙門知道欽此欽遵抄出到部送司除

恩詔事件已奉

明旨申飭無庸復議所有宜大塩糧并東江事宜相
應具覆案呈到部該臣等看得塩糧一項輸
官則爲養軍濟邊之需出於商則爲持母餉
之計故利

國者必自恤商始及查大同塩糧向係推年上納
見在呈報時估督令照舊寬減上納外至於宜
鎮塩糧向輸本色且係隔年預納查崇禎元年
塩糧應係天啓七年預納而二年塩糧則應元
年預納也天啓七年因兩淮庫價不給遷延未
輸馴至崇禎元年災荒海臻市米翔貴各商益
滋觀望遂致連壓兩年去歲撫臣李養正有邊
地災荒一疏議及塩糧臣部因從撫臣之請准
其量納一半餘俟豐年帶徵是亦用一緩二以

示招徠之意後長蘆鹽臣喻思恂有言稱
之議臣部又恐宜鎮鹽糧不完爲運司額課之
累覆令陸續全完不意餉司之催比雖亟而各
商之稽延如故令其半輸而不應令其全輸而
亦不應此該鎮糧儲郎中荆之琦所謂酌量緩
急曾有權宜之請也今科臣陶崇道以該鎮每
饑日甚商負日多議將元年鹽糧照應納糧五
折價入官二年鹽糧照依時估仍輸本色一轉
移間在宜鎮得兩年鹽糧之濟而邊軍不苦乏

榜腹在運司得及蚤關引而太倉之額課不虧
委曲匡時經權互用所當卽爲允行第邊圉以
本色爲重改折之說止可通變目前此後各商
再不得覬覦觀望以虧軍糈若夫東江一旅兵
數已裁餉額亦定督師袁崇煥欲其步步向西
已訂期遵海面商方畧於北汛口臣部除本年
解補元年月餉六萬有奇外又付餉司郎中宋
獻督解四萬兩此後本折額餉自應與開寧一
體陸續接濟東西合力共圖恢復督師方於東

江有厚望焉自不至以附贅視之而使之遠
無據也既經科臣具題前來相應覆

請恭候

命下臣部行文各該衙門遵奉施行

崇禎二年閏四月二十七日具

題五月初一日奉

聖旨宣鎮元年塩糧依議暫納折色以蘇商困二年
仍納本色以後確遵舊制不得更覲改折東江餉
額裁定已屢有旨了該衙門知道欽此

題王員外接管邊餉司疏

題爲請官交代事山東清吏司案呈奉本部送據專理邊餉山西清吏司郎中張鵬翀呈稱職於崇禎二年四月二十四日聞訃丁父憂所有邊餉并冊庫印務相應呈請委官接管等因到部送司案呈到部該臣等看得本部冊庫之設總核省直之完欠任綦重責綦嚴矣先年臣部又以各邊舊餉無一責成特題設專理邊餉司凡各邊之額餉有無加增京民二運之有無完欠

各邊餉之可否生節各邊事之修陳章奏應
責之仍以管冊庫官兼攝是前此冊庫止職其
入今此冊庫復職其出不勝其繁且難矣故原
題一年差滿查照新餉司例卽行超擢遇有軍
功亦得敘賚業經奉有

欽依在案兄今餉額虧缺正在奉

旨集議勢難一刻缺人今郎中張鵬翀旣丁父憂自
應差官接代今查湖廣清吏司員外郎王聲生
才識優長邊情熟練堪任厥職雖其起家乙榜

但本部屬原不拘於資格且查前任郎中劉應遇亦以乙榜遊管邊餉有聲以今較昔正可追踪而無忝者但此一差也冊庫已屬辛勞邊餉尤是繁劇合九邊軍精省直錢糧而以一官理其緒論才不論俸向來久有成議則差滿之日從優擢用想

聖明所不靳也相應題請恭候

勅下吏部將王肇生陞授山西司郎中管理冊庫兼專理邊餉一年差滿卽與從優擢用以爲賢勞

之勸等因於崇禎二年五月初一日具題

日奉

聖旨

題覆萊州衛楚邦楨條陳民屯及贍軍地畝疏
題爲遵

旨回奏事山東清吏司案呈崇禎二年四月十二日
奉本部送戶科抄出原任山西守備山東萊州
衛指揮同知楚邦楨奏前事等因本年四月初
九日奉

聖旨本內說民屯銀兩及贍軍地畝本未甚明且萊
州清解六千三百餘兩已見成驗該部科卽並會
議具奏欽此抄出到部送司案查先該萊州衛指

樞同知楚邦楨奏爲懇乞

天恩亟 勅下部提取缺官缺軍名糧勿准破調以
濟邊儲以保萬年久安長治事崇禎元年十二
月三十日奉

聖旨據奏萊州衛軍丁原額員數戶兵二部會查底
冊并將此疏及王從義回奏疏通行查確具奏欽
此欽遵查得民屯銀兩邦楨呈稱于各地方存留
銀內派支

會典原未載及卽山東報部實徵冊內止開解京

錢糧數目並不造及存留更無底冊可查至于
官軍底冊行文兵部查取去後隨奉本部送准
兵部咨稱山東省各衛軍冊造解原有定限無
奈各衛怠玩成風違限不解卽每歲咨劄頻催
止據鰲山靈山諸城滕縣四衛所解到格眼軍
冊可查其餘絕無片紙隻字到部及備查冊庫
雖有上解零星數衛格眼冊存貯然又時異勢
殊迺故勾補消長不一缺軍名數難以懸定且
事干覆奏不厭詳慎業經嚴飭山東都司分投

差人守催前冊限文到一月內類齊解部送查
等因咨覆到部奉批司查恐亦不必待冊矣奉
此相應會同戶科具覆案呈到部該臣等看得
指揮楚邦楨所奏民屯一項官軍故絕名糧甫
一行查便已清解銀六千三百七十餘兩昔祇
以供不經之冒破今藉以補遼左之軍儲正
明旨所謂已見成驗也止因該撫王從義所報額數
多寡相懸節年遞減不一奉

旨着邦楨據實回奏乃邦楨報

亦裏老且益壯勉撐筋骨諱

陳言誠字內一奇男子矣邦楨初疏內稱曾呈本省兩院俱蒙行查見有原牌可據又云蒙前任兵部尚書趙彥已經題過未見允行見有通行抄報可據臣等隨向邦楨索抄寫原牌并疏冊前來爲之逐項磨對山東撫院于天啓三年曾批司道行查該省布政司冊開萊鰲雄靈膠卽六衛所原額官軍一萬六千一百六十一員名今據該撫回奏疏稱萊膠等衛所官軍

國初額設共一萬六千九十五員名猶止少前奉
行查冊內六十六員名耳復取該府造送清冊
細筭又止載原額官軍一萬四千八百九十一
員名是今日冊中之數較今日疏中之數又少
一千二百零四員名矣夫官軍多寡之數全以
原額爲根底若根底參差則缺額終無確數此
原額之當覆查者也據該撫疏稱萊州衛所官
軍民屯銀原額雖有六萬五千續有故絕名糧
亦奉文遞減今止實派二萬六千八百有奇那

檄則云就萊州府掖縣一邑言之年復一年加而又加所謂減者何在夫賦稅增減原非撫按司道所能自主通減是何年分豈無題

准文案可憑詳悉造報自是了然此減額之當覆查者也據邦楨疏稱民屯銀原出自地畝官軍雖無而地稅照舊徵派與該撫疏內所云派之萊州縣衛所徵解支銷之說恰符第云此外又有贍軍地畝每軍給田五十畝名爲贍軍軍絕地存因地承糧卽付本衛管屯官按數徵收四

季解府自萊州一衛言之每歲可得一千一百
餘兩此田畧似屯田而又不顯屯田名色不知
此銀果在民屯之內耶抑在民屯之外耶及查
前任尙書趙彥疏內亦曾言及每軍給田五十
畝之制而未剖其在民屯之外頭緒不清則查
覈易漏此民屯銀兩贍軍地畝兩項之當分別
覆查者也在邦楨云戶兵二部自有底冊何用
再爲行查以開破調之寶一段忠義慷慨之氣
臣等不勝心折第此中有不得不行查者兵部

軍冊既已散逸不全而民屯銀兩邦楨呈稱原
在存留地畝銀兩之內臣部每年派徵及司道
每年冊報止載起解而不載存留卽該撫所云
部發坐單亦未知是臣部何年所發邦楨持原
額以爲據該省借遞減以爲辭彼此互持豈能
懸斷准行該撫按徹底清查果否軍田民田屯
田作何徵收備悉具

奏而後官弁不得恣其隱藏遼左亦獲沾其實用
矣伏乞

勅下臣部移文山東撫按先將萊州府屬各衛所
明某衛所原額官若干員今見在若干員缺額
若干員原額軍若干名今見在若干名缺額若
千名某州縣原額民屯銀若干兩舊例作何徵
派于某年月日因何事故奉何明文果否俱經
題

准減派若干兩實徵若干兩有無民屯地畝與民田
另段起科果否卽在州縣存留銀內徵解并查
國初原額贍軍地畝若干坐落某衛所地方若干

某州縣地方若干歲派本折錢糧若干是否卽
各衛所屯田之制見在軍丁作何耕種有無餘
糧納官故絕軍地付誰承管作何起科徵解徵
糧解府作何支用是否民屯銀兩與贍軍地畝
判然兩事絕不相干逐一查明分別回

奏仍造細冊送臣部對筭不得仍前草率致冊中
數目與疏中數目多寡不侔徒費駁查稽延時
日者也正具覆間接得山東巡撫王從義咨爲
嚴查衛所民屯銀兩以克邊餉事內稱除萊州

等衛前查出支剩銀六千三百七十餘兩
外又查出濟南等二十三衛所銀三萬四百四
十二兩有奇可見清查民屯實有成驗漸有次
第矣第濟南等衛所官軍原額與缺額之數難
免參差各衛屯田與贍軍之需無容互混皆當
照萊州府例逐一覆查清楚至于省直民屯及
贍軍地畝雖各處風土不同而

國初規制料亦不甚懸絕昨因科臣汪始亨詳奏
一疏議及屯田新奉

明旨臣已奉行兵部酌議姑俟議妥另行具覆總之
有山東一省而天下可以類推有蔡州一府而
山東可以類推清楚之法請先從萊州一府爲
始可也臣謹遵

明旨同戶科都給事中解學龍會議奏

聞臣等無任悚息屏營之至五月二十四日具題六月
初六日奉

聖旨山東回奏民屯銀兩已有旨該撫按再查這本
說原額數遞減緣繇及贍軍地畝是否卽係民屯

着一併詳查速奏軍冊不報兵部成何紀綱
照舊制通行立限催取該部知道欽此

題覆兩淮鹽院張養議定鹽課歲額疏

題爲通商濟用自有

祖宗已試之規日累月增難悉准鹽困敝之狀敬遵
再奏之

旨申明一定之方以昭職掌以所

聖鑒事山東清吏司案呈崇禎二年五月初四日奉
本部送戶科抄出巡按直隸監察御史張養題
前事等因本年閏四月二十六日奉

聖旨前會議疏有旨增鹽舊商自承不准新商攬利

正慮浮課妨額這奏定額八十五萬及扣留帶額
不便吉課壓綱可銷該部卽與確覆積引蔽奸張
養速查明奏來該衙門知道欽此欽遵抄出到部
送司案呈到部該臣等看得兩淮爲東南財賦
之藪九邊軍餉實嘉賴之其額課自嘉隆以來
原止六十餘萬卽或時有增加旋復舊額後因
遼黔構難南北兵興加派搜括業遍宇內而餉
額尚匱天啓元年前任理餉郎中楊嗣昌廣集
廷議題

准各運司增課助餉兩淮每引帶鹽十五斤加銀一錢共計七萬又合之補庫折價七萬共十四萬內除留充淮徐兵餉一萬八千三百六十四兩實解部銀一十二萬一千六百三十六兩此新增遼餉之繇也至黔餉之議則天啓六年前任尚書李起元因偏沅撫臣閔夢得有借鹽生息之請遂師其意而議行黔鹽五萬引歲可增銀六萬五千兩此新增黔餉之繇也其部商之十二萬則天啓五年臣部傳採輿論參考舊法

查淮南自疏理道袁世振減斤法行之後增
積引引窩二十二萬行至丁卯年卽應盡革前
窩以復塩斤之舊前任尚書李起元以遼餉無
措議於戊辰年起每年仍行積引二十二萬提
引照例納餘沒遼餉銀一兩共歲增銀二十二
萬兩夫袁世振所行積引因各商課已久輸
尚未行是爲各商銷套搭李尚書所行積引僅
用疏理之法銷行未納餘銀之引是爲

公家增新課此部商增餉之繇也前據塩臣欲於

二十二萬之中扣留五萬止行一十七萬以防
壅滯適大同督撫有議增淮引以充宗祿之議
臣部以兩淮正引尚壅若或再增新引恐與革
除浮課之

旨相悖非惟增引止屬空譚抑且宗祿反悞設處是
以不敢允行繼而臺臣李柄謂新引固屬難加
不如全行扣留五萬卽將所得之課內以二萬
充宗祿三萬充遼餉聊爲斟酌通融之計臣部
亦不敢遽定可否已遵

有行塩臣酌議今塩臣謂與其壅滯而議扣留
先爲扣留而不使之壅滯塩臣身親其事與運
度者不同合如議扣留五萬使後果無壅滯復
爲運行未晚也夫扣留旣已難行則大同宗祿
似有難於設處者矣至于兩淮歲額一餘塩正
課六十萬兩寧夏兵餉帶塩銀五萬六千兩年
例水鄉銀一千八百二十九兩九錢題免京掣
銀一萬兩

裕府食塩改入太倉銀一千二百兩潮包稅銀

千三百兩通共正襍塩課銀六十七萬三百二十九兩九錢此累年徵解一定之數卽塩臣所云舊課六十五萬雜項銀二萬是也一遼餉原定十二萬一千六百三十六兩內有補庫折價七萬前塩臣爲商請命已經減去三萬五千兩則取之商者止三萬五千兩合之折價尚應八萬六千六百三十六兩而淮徐兵餉一萬八千三百六十四兩不與焉一淮南積引二十二萬除扣留五萬止行一十七萬每歲可徵銀一十

七萬兩原係題充遼餉臣部屢疏已明以爲
目或以充太倉之用或以濟三韓之需似有難
於驟減者止黔餉一項原議六萬五千兩今定
四萬兩雖似減額然臣部原覆疏亦云俟塩行
彼處視其銷行幾何納課幾何以爲定額或尚
可徐酌低昂臣畧爲滿盤打筭除黔餉另議外
實該定額九十四萬五千三百二十九兩九錢
較之塩臣所定八十五萬之議微覺異同然處
平而商確之塩臣欲以積引十七萬之課通融

於遼黔之餉用一緩二以恤諸商臣部請以累
年酌行之規權宜應目前之急事平議罷姑爲
有待一段不得已之衷總皆爲

國家起見也且前免遼餉三萬五千會議時尚有
責臣部以不應免者銚磬壘耻旁觀且爲臣動
色臣又何能慨以減額請耶其吉塩八萬五千
引前因各商輸課未行銀無所抵故議於溧陽
等處食塩之內銷行六萬三千六十二引餘引
行於扣留五萬之中今塩臣議壓正綱一月之

塩以結吉塩一年之局既可以免各商守候之苦又可以速徵六萬八千餘塩之課以濟遼急委曲調停委非臣等智慮所及第云法可一試而不可再設合將吉塩銷完卽止後不得引以爲例至於溧陽等處食塩原經題改新引今既不抵銷吉塩則前塩應着各商上納引價不許因仍積引徒滋弊竇以耗公儲若夫積引藏奸委應釐革臣部初議原欲盡革以更新引而臺省諸臣復有宜覈真僞之議今合塩臣之疏懇

之則積引之當數當革無待再計掄臣奉有查
明奏來之

旨自能清覈奏

聞無俟臣詞之畢矣既經掄臣具題前來相應覆
請恭候

命下臣部行文都察院轉行兩淮巡掄御史遵照施

行

崇禎二年五月二十八日具

題六月初八日奉

聖旨這扣留停止吉引壓銷及定額九十四萬五千
兩俱如議積引稽覈真偽與盡更新引孰便揆臣
速酌具奏欽此

題覆山東災荒賑恤疏

題爲恭報異常旱災懇乞

聖明查勘賑恤以安民生事山東清吏司案呈崇禎
二年六月初一日奉本部送准都察院咨據巡
按山東監察御史王政新呈據山東布政司呈
准分守濟南道申副使兼右叅議咨稱查得濟
南府屬濟陽霑化青城商河四縣災傷已行該
府委官查勘得霑化青城二縣各成災九分濟
陽商河二縣各成災八分申報到府該本府覆

查得霑化等四縣被災之民枵腹望賑以濟艱若不及時議給牛種何以慰災民之望合無候詳兗日行令四縣趁今青黃不接之際每縣查預備倉穀共有若干每災地一畝穀多者賑三升穀少者賑一二升以示優恤等因到道該本道看得濟陽等四縣各報旱災俱行該府委官踏勘明白擬定成災分數往例有蠲租之典近因請蠲未允再難輕議無如依該府所議仍照上年事例行令被災各縣查有倉穀多寡酌

量資助牛種務使吏不作奸民需實惠事完冊
報考查庶可以慰災民之望亦救荒之良策也
等因具錄於本年四月十二日呈蒙部院王從
義詳批濟陽等四縣被災既重如議酌量賑恤
事完冊報蒙此除行濟南府轉行各縣遵照外
合咨前太查照轉報施行等因准此又准分守
東兗道劉左布政使咨稱據東昌府申報除堂
邑臨清原不爲災博平茌平高唐恩縣濮州范
縣觀城朝城各被災輕未敢具申及莘縣成發

三分夏津縣未定分數免議外至於濟寧
成災四分冠縣成災五分聊城丘縣館陶成災
八分各被災輕重不等又議量動倉穀以救乏
遺相應依擬合候申詳允日備行各縣酌量倉
穀多寡於冬春之交量行賑濟其糧米改折及
蠲免存留錢糧但恩澤出自上裁本府未敢擅
議於崇禎元年八月二十八日具申本道該本
道看得除堂邑臨清原不成災博平茌平高唐
恩縣濮州范縣觀城朝城夏津被災稍輕莘縣

成災三分之一槩免議其聊城丘縣館陶俱成災
八分冠縣成災五分清平武城俱成災四分議
於冬春之際請動倉穀量行賑濟其漕米改折
存留蠲免當此

國家多事被災未至九分之上難以擅議具繇呈
詳部院王從義蒙批災重聊城等六縣如歲冬
春之際請動倉穀分別賑恤繳蒙此除行東昌
府轉行各縣遵行外合咨本司轉請議借保赤
常平倉穀接濟災黎施行等因准此該本司覆

看得濟東府屬去歲方苦難隆燭官今春又值雨澤愆期據勘成災分數往例宜微蠲折之典但當

國家多事之秋司農告匱之時委難輕議今據該道議照上年事例查有倉穀多寡酌量資助牛種業經呈詳巡撫部院如議賑恤合無遵照呈請允日行令被災州縣一體遵奉施行等因緣繇到職據此該職看得東省地方自昨歲以及今春天氣亢暘雨澤未降被災各縣應照分數

議請蠲賑以甦才遺第思帑藏空虛內外俱竭
既不敢以瑣屑煩瀆

宸聰又不忍以嗷嗷災黎置之不問合當悉如司
議照例于被災各縣倉內酌穀多寡量資牛種
斯亦補助之一道也既經該司覆勘前來擬合
呈請爲此今將前項緣繇理合具呈伏乞照驗
咨部酌處施行等因到院據此擬合就行爲此
合咨貴部煩爲查照施行等因到部奉批山東
司速行題覆奉此案查先該山東巡撫王從義

題前事奉

聖旨戶部知道欽此已經呈堂各行都察院轉行山東巡按御史查勘被災輕重去後今奉送准前因相應具覆案呈到部該臣等看得二東爲畿南門戶賦稅獨繁不虞去年旱魃爲災赤地千里嗟茲才遭之民真有莫必其命者前據撫臣臚列人

告業行按臣查勘今據按臣查勘前來除輕災不計外在濟南府屬如霑化青城二縣則被災尤

分如濟陽商河二縣則被災八分在東昌府屬
如清平武城則被災四分如冠縣則被災五分
聊城丘縣館陶則被災八分覩此惻癢切體之
民拯救固不容緩第當三空四盡之秋議蠲又
所不能合如議將被災縣分酌量倉穀多寡量
資牛種賑濟是做先王興發補助之道意用以
昭

朝廷欽恤之至仁也相應依擬覆

請恭候

命下臣部行文山東撫按轉行所屬遵照施行

崇禎二年六月初六具

題初十日奉

聖旨是欽此

題覆袁督師續請馬價疏

題爲復遼必需戰具屢

請未見應手謹再懇

天語叮嚀刻期給發以速進取事山東清吏司案呈

本年五月十七日奉本部送戶科抄出遼東督

師尚書袁 題前事等因五月十一日奉

聖旨前准督師奏戶兵二部措給買馬銀三十二萬

一千兩解發曾否全完及這本所請看通覈議覆

盔甲器械作速打造給發務確定數期不得延緩

該部知道欽此欽遵抄出到部送司除查照外
聽工部議覆外所有買馬銀兩相應具覆案呈
到部該臣等看得督師前以戰馬不敷請移換
賞以市戰馬奉

旨着戶兵二部措發臣部將崇禎元二兩年未發銀
共一十三萬一千九百四十六兩九錢措以與
之合兵部應發之數共爲三十二萬一千也及
查臣部應發銀兩已差中書倪甫蔭解太五萬
兩于登仕解太四萬兩又據寧前道收過鹽商

王時泰等撫貨抵充本部應發銀六千一百兩
今又差中書董永祉找解三萬五千八百四十
六兩九錢已於六月初七日起程通完前欠一
十三萬一千九百四十六兩九錢之數矣今督
師以三十二萬之中在樞部已扣本年請發馬
價七萬二千兩暨賞功銀五萬兩而臣部續發
之四萬兩又畱爲拱喇撫賞之用且謂虎會西
牧馬少價騰故復有三十二萬兩欠數之請夫
馬價應係問寺所出無待再計昨臣部之所發

者不過將應發撫賞那指解給或作馬價或
撫賞一聽督師支用前覆督師馬匹疏內曾云
此後或仍有未發撫賞俱應樞部任之於臣部
無與業蚤爲題明非于今日敢作推卸語也臣
部之銀旣解臣部之事已完臣部之力已窮其
馬價之應增與否樞部之完解與否皆非臣部
所得而知矣恭候

命下樞部查覈酌覆以聽

聖明裁奪施行等因於崇禎二年六月初八日具

題十一日奉

聖旨

題覆山東撫按考成積穀官員疏

題爲嚴考成廣積穀以裕儲蓄以裨荒政事山東
清吏司案呈崇禎二年六月十二日奉本部送
戶科抄出巡撫山東等處地方督理營田提督
軍務戶部右侍郎兼都察院右副都御史王從
義會同巡按山東監察御史王政新會題前事
內稱所屬司府州縣通計天啓七年所積倉糧
共一十三萬九千三百四十石六斗六升有奇
及查額積之數原係十萬一千四百五十二石

內高苑縣邑小事簡奉例減免一百石實該
穀十萬一千二百五十二石今該年所積溢額
三萬八千八十八石六斗六升零其間有司奉
行廣貯溢多者應照近題事例分別敘薦其積
穀稍溢者仍照常敘獎至於違慢虧額者應宜
照例叅罰以分殿最除丁憂被論等項事故外
查得糧儲道副使兼叅議今陞右叅政胡一龍
分守濟南道副使兼叅議歷陞本省青州道
察使柴寅賓分守東兗道右布政使歷陞應天

巡撫曹文衡分守海右道署道事萊州府知府
今陞本省分巡濟南道副使賀自鏡驛傳道按
察使今陞福建右布政使周泰峙分巡濟南道
副使歷陞關內道叅政梁廷棟分巡兗東道左
布政使今陞本省左布政使加正二品服俸沈
琦分巡兗西道右布政使今陞東兗道左布政
使劉榮嗣提學道副使今陞浙江叅政王振熙
分巡青州道署道事青州府見任知府王極俱
有批發各屬自理贖穀并捐銀糴穀數多以上

諸臣節比素絲恩流赤社念倉儲之匱誠每損
資以蓄糧糗且酌盈濟虛損上益下撙節調劑
備極苦心真二東福曜所當首敘以備優擢者
也內曹文衡周泰峙梁廷棟王振熙雖已陞任
然各功在地方勞績艱泯柴寅賓賓自鏡沈珣
劉榮嗣雖經陞轉仍在本省均應併薦又查得
昌樂縣知縣今陞大理寺左評事劉垂芳滋陽
縣知縣詹胤昌以上二臣各積穀溢額應照司
議分別旌獎內劉垂芳雖經陞任未離地方例

得併獎其少穀未及一分至二分之一者例免
罰治少穀三分泰安州知州今陞陝西鞏昌府
同知于可久應行見任衙門照例罰治等因本
年六月初七日奉

聖旨戶部知道欽此欽遵抄出到部送司案呈到部
該臣等看得地方積穀之設原係備荒之實政
今東省諸臣上能約已率屬下咸感奮自效故
得積穀溢額以備濟荒豈非各司道府州縣等
官賢能實心任事之明驗乎相應照抄覆

請恭候

命下臣部移咨吏部將陞任與見任司道等官胡一龍柴寅賓曹文衡賀自鏡周泰峙梁廷棟沈珣劉榮嗣王振熙王極十員俱行吏部應紀錄者紀錄應擢用者擢用仍知會該省撫按轉行布政司將昌樂縣知縣今陞大理寺左評事劉垂芳獎銀八兩滋陽縣知縣詹胤昌獎銀六兩仍將于可久應行見任衙門照例罰俸三個月庶激勸明而急緩者交相砥礪倉儲日積月盈矣

等因崇禎二年六月二十一日具題二十五日

奉

聖旨是欽此

題覆謝操院問擬淮商招罪疏

題爲奸商夾帶私鹽抗不赴審乞

覈查勘以助

大工以正法紀事山東清吏司案呈崇禎二年六月十二日奉本部送戶科抄出操江都御史謝文錦會同兩淮巡鹽御史張養題前事等因本年六月初三日奉

聖旨該部院知道欽此欽遵抄出到部送司相應會同都察院具覆案呈到部該臣等看得

國家塩法首重夾帶防壅滯也然必盤獲乃坐獲
冤濫也查兩淮引塩斤數原有定額多者卽爲
夾帶與私塩同科近因助餉助工准加斤數名
爲加帶是皆納課於官未可槩以私塩指之也
前據吳淑出首水商程崑源等夾帶私塩一十
七缸以致操臣形之白簡奉

旨查勘使舉首時塩泊江干盤獲有據則首者得實
夾帶之罪自不能逭矣今據多官會勘審駁至
再咸以程崑源等人皆在冊水商塩係

題行加帶商名引數歷歷有據且未首之前塩已
鼓棹先行並無盤獲旣無賊據法難懸坐第各
商畏不赴理久稽

欽案何物奸商敢撓三尺杖不盡辜加罰非苛吳淑
詭圖嚇詐捏首多人擬徒不枉旣經勘擬具題
前來相應覆

請恭候

命下臣等行文南京提督操江都御史并兩淮巡塩
御史遵照發落并將罰贖銀七百三十七兩三

錢行令搭附鹽課解京交納以克違餉施行

崇禎二年七月初二日具

題本月初五日奉

聖旨是欽此

題覆兩淮新塩院鄧啓隆條陳三款疏

題爲塩筴受弊已極微臣受

命方新謹畧陳大要以期共濟事山東清吏司案呈
崇禎二年六月十四日奉本部送戸科抄出山
東道監察御史鄧啓隆題前事等因本年六月
初八日奉

聖旨這條陳三款係塩政切要着各申飭行袁世振
旣云墨廢不必薦舉該部知道欽此欽遵抄出到
部送司案呈到部該臣等看得兩淮塩筴至今

日而敝壞極矣以引論則八邊之倉鈔多歷以
課論則累年之積逋未完三商俱困

國計空匱臣部正鰓鰓有厚慮焉今鹽臣受

命伊始卽晰鹽政窾會敷陳三事深得提綱挈領之
要敢不遵

旨申飭以期無負共濟之誼乎一謂奸商之赴部宜
峻絕夫鹽法雖筦於臣部然遙度之情形不如
親履其地之爲確如昔年部商納銀至今尚費
調停吉引改銷又煩鹽臣區畫信有如鹽臣之

所言者自臣受事以來凡商人有赴部告增塩引者一切屏斥卽諸臣會議增引臣部亦不敢遽執必行之說以掣塩臣之肘見經移文酌議誠慎之也此臣部之所可自矢者也一謂糧舡之私販宜嚴禁夫糧舡之禁帶私塩臣部屢經申飭

天語又復煌煌而漕卒千百成群恣行不顧一或閉關盤查則放火燒舡拒捕搶掠今歲荊州等衛業已見告塩臣謂其病塩而兼以病漕允爲確

論合如塩臣議請

勅令漕臣先於天津直沽等處凡遇回空糧舡督押
速行不許收買私塩沿途開口竭力譏察仍令
押空官員赴塩臣衙門驗放舡隻蓋塩臣原有
監兌之責而回空之舡寧不當聽其驗放乎舡
經驗放則夾帶不禁而自絕矣一謂司離之選
格宜破夫兩淮財賦動經百萬皆係運長筦其
出入此非廉幹甲科未易勝任塩臣與臣部屬
經條及屢奉

明綸而卒不能破拘牽之習卽或選有甲科非屬左
遷則屬暮齡且人多視爲羶地卽有矚然之操
毅然之才未易表見運長之不能樹立其病坐
此至於運同副判等官亦非散局閑曹各有分
理之職乃率與准貢貲郎前途有限誰肯自勵
清操合如鹽臣議今後兩淮運司官員願銓部
破格選用運使必擇甲科之表異者運同副判
必擇科貢之年壯而有才品者果其稱職從優
遷擢庶理財得人而鹺政聿修矣夫鹺政一事

臣部提衡於內鹽臣經理於外呼吸相通原
相成之誼至於禁漕卒屬之漕臣慎用人屬之
銓部所望諸臣同心共濟以整既墜之鹺規而
濟度支之窘乏者非淺鮮也既經具題前來相
應覆

請恭候

命下臣部行文吏部及總漕衙門并都察院轉行兩
淮巡鹽御史一體遵奉施行

崇禎二年七月初六日具

題本月初九日奉

聖旨是欽此

題覆山東撫按議將支剩民屯畱充兵餉疏

題爲嚴查衛所民屯銀兩以克邊餉事山東清吏
司案呈崇禎二年五月二十八日奉本部送戶
科抄出山東巡撫王從義會同巡按王政新題
前事內開清查支剩民屯銀兩緣繇本年五月
十八日奉

聖旨據查濟南等衛餘剩屯銀三萬四百餘兩楚邦
楨原奏不妄着各省直撫按通照此例查奏仍載
入考成不許逋欠其減去糧鈔歸於何處且故絕

數多餘剩銀少該撫按再詳查議奏不得但據
移東交防兵月餉應否卽將抵克該部確議具
欽此又該山東巡按王政新題同前事奉

聖旨已有旨了該部知道欽此欽遵抄出到部送司
除行文各省直照例查奏外查得東交防兵月
餉尙未明晰正行文查覈間隨奉本部送准山
東巡撫王從義咨爲咨明東交兵餉以便題覆
事照得東交新兵之設起自天啓二年以妖變
之後東省兵力單虛前撫院趙彥題添新兵

千名馬二千四百匹分發通省各營原題京邊
十五萬兩後部覆未允止准留給新餉五萬兩
餉既不敷遂議裁兵就餉通省各營新兵俱陸
續減汰而兗州曹州臨清沂州德州爲漕運咽喉
運孽窺伺萬難議裁共存兵四千六百餘名
馬八百四十匹歲需餉銀五萬六千餘兩原留
新餉僅止五萬尙屬缺額年來多方搜括隨宜
措處幸免脫巾之患近以邊餉匱絀新餉五萬
取回解部矣而重地之兵奉

旨仍留防守兵旣難裁勢必需餉餉旣歸邊勢必難
給况東省地方連年助工助餉庫藏搜括已盡
無可設處其裁過德州援兵原止二千名乃天
啓六年奉

旨招設專備調援之數歲計餉銀二萬八千四百兩
原無設有正額錢糧蓋汰舊營老弱樽節支吾
不足者抽州縣人役工食暫爲幫補以候調取
零星之數搜括惟艱原非實在之銀也前撫院
呂純如疏題甚明今援兵裁矣愈難責成此五

萬之餉從何措處民屯三萬四百之

請留亦萬不獲已之苦心也等因到部送司相應具
覆案呈到部該臣等看得東省民屯一項萊州
等衛一查而得六千三百七十餘兩濟南等二
十三衛所一查而得三萬四百四十二兩載入
考成歲爲定額裨益

國計良非渺小第前楚邦楨持原額以爲據該省
執遞減以爲詞臣部難以懸定已經覆行該省
撫按先將各衛所備查原額官軍及故絕見存

之數并各州縣原派民屯銀額及減派年月數目與贍軍地畝一并行查去後今復奉有減派糧鈔歸于何處該總數多餘剩銀少着再詳查速奏之

旨諒該撫按必能詳查入

告無待臣詞之贅矣至欲以濟南等衛扣存銀三萬四百四十二兩抵克東克兵餉奉有

明旨查問應否准其抵克臣部恐東省兵數未確正行文查覈間而撫臣咨文至矣細閱來文則知

已裁者爲德州之援兵數止二千歲計餉銀二萬八千四百兩原未取之正項不過汰舊營之老弱抽各役之工食皆從設處而得之者也其未裁者爲兗州曹州臨清沂州德州之新兵四千六百餘名馬八百四十匹歲需餉銀五萬六千餘兩原留加派新餉五萬以餉之今議將原留五萬歸還臣部而以扣存民屯銀三萬四百餘兩餉防兵藉清查之物力供地方之兵需而數年割留之遼餉仍歸遼額裒益調停計無便

於此者所有德餉民屯二項合克東克新兵之
餉果有贏餘仍以歸之臣部至于此後搜括民
屯銀兩自當盡數報部抵克軍餉不得再議留
用矣既經具題前來相應覆

請恭候

命下臣部行文山東撫按遵奉施行崇禎二年七月
十六日具題二十日奉

聖旨是欽此

題覆戶科黃承昊條陳兩淮鹽法疏

題爲再陳鹽政事宜以少佐

國計事山東清吏司案呈崇禎二年六月二十三日奉本部送戶科抄出戶科右給事中黃承昊題前事等因本年六月二十日奉

聖旨鹽課屢經部議酌定這奏內嚴緝私販痛釐夾帶季掣如期三款有裨未盡事宜並與覆議申飭餘俱有旨了本內季字錯寫京字改正行該部知道欽此欽遵抄出到部送司案呈到部該臣等看

得今日譚理財者無過塩筴筴最大者無過
兩淮科臣黃承昊目蒿時艱心恫

國計前以

冊封之便奉

旨停驟與塩臣共商塩政敷陳八款業蒙

聖明於臣部疏中採行方今邊內兩商已漸次有起
色矣茲以使竣入都再過維揚諮目前之利弊
復列八款除扣留已經議停俟塩法疏通照舊
全行積引課銀業已題充遼餉袁世振前已奉

有

明旨不敢復贅其餘項欵深有裨於未盡事宜相應
遵

旨申飭以期着實舉行使科臣之議毋托空言可也
其一謂私販之禁在必行夫私塩之禁律例森
然近蒙

聖諭渙頒炳如星日而漕舡悍卒輒敢公然裝載拒
捕焚舟闕如夷虜目中尚知有

朝廷之法哉懲已獲之漕卒究押運之衛弁誠不容

緩矣顧欲清流者必澄源查糧艘皆於天津
棹天津逼近場灶私塩最賤漕卒三老必於此
處收買前長蘆塩臣喻思恂曾以私塩委之天
津道臣而道臣已奉有塩法

專勅凡私塩出沒官舫糧艘俱令禁詰昨兩淮新塩
臣鄧啓隆條議疏中亦欲於天津直沽等處速
押回空開行勿令收買私塩意正昭合此當行
文長蘆巡塩并巡漕御史共以督押回空禁販
私塩盡委天津道臣轉委府佐巡查廢權不兩

操事無掣肘矣一謂夾帶之弊富痛釐查得兩
淮每引裝塩四百三十斤已爲定額自有違餉
及助工之役許額外加帶塩斤遂多且奸商黠
賈又復暗行夾帶謀鑽掣官賄買提鉞驗針等
役止將輕塩提掣儀准二所書役造填割沒之
時又復以多報少科臣之言洞若觀火可不亟
爲釐禁乎揆厥所繇總因委掣不得其人耳合
如科臣議凡掣塩必塩道親臨盤掣勢不能給
則委甲科推官知縣以濟其窮其他槩不許委

如有求書討委者塩臣執書參奏一體治罪
人皆自愛而不敢以身爲嘗此清夾帶之要法
也一謂掣塩之期不可愆查得掣塩之期太急
則塩賤而病商太緩則塩貴而病民故前疏理
道題

准兩淮與別運司不同每年止於一掣其期定於九
月是以過橋過所支運隨時邊內水商交易不
爽每歲額課亦俱按年通完邇來秤掣漫無定
期奸商得以操緩急而施壟斷之謀以致江廣

缺鹽市價騰貴額課逋欠職此之故以後秤掣
務遵舊制每年定於九月不許奸商掛掣趕掣
以滋弊端如違聽巡鹽御史叅究治罪將見掣
期一定歲課不至稽延鹽價不至高擡足

國便民道無踰此真係疏理第一關頭并當亟行
申飭毋容先後者也若夫兩淮積引多僞葛藤
難斷臣部初議盡革以更新引繼採臺省之議
查覈真僞以酌行止昨奉

明旨已着鹽臣酌議孰便必求至當以報今據科臣

所訪積引有四等之別重購之引與偽造之引
自當覈毀究治四戶之引賤值所收併二引爲
一引情法允當完銷亦易掛掣之引餘銀已納
更當設法銷行如附綱窩內果有餘地或開中
新引亦屬良籌第塩臣屢請禁止增引臣部未
敢擅議合聽塩臣詳查明確酌量銷派若夫江
南六縣食塩臣查先任部臣李汝華題覆兩淮
綱法疏內議將六縣食塩派行邊中額引俟綱
法完後則六縣之中應用額外新引不必在七

十萬正額之內議誠有見如果能更換則可增課五萬九百一十三兩有奇裨益太倉亦非渺小第事難遙度所當行文塩臣酌量以決行止者也總之禁私販禁夾帶定掣期所以疏壅導滯杜奸豪之橫奪業奉

俞旨自可藉

明綸以肅

功令其議積引議食塩增引益課均屬苦心臣部亦不敢不併議以聽塩臣之裁酌也旣經具題

前來相應覆

請恭候

命下臣部行文各該衙門遵奉施行

崇禎二年七月十三日具

題本月十七日奉

聖旨私販夾帶季掣三款既覆議明確着從實嚴飭
餘遵屢旨行今後鹽臣回道視課額完欠爲考覈
該部院知道欽此

題覆兩浙鹽院吳之仁請補燒燬引目疏

題爲失火延燒公署事山東清吏司案呈崇禎二年七月十一日奉本部送戶科抄出兩浙巡鹽御史吳之仁題前事內開據浙江布政司呈該鹽法道覆看得運司失火廳堂及引目被焚雖致火有人起火有因業已究治如法但運使爲一司之主隄防不密寧能脫然於事外乎第念火起外庭情有可原而錢糧庫藏無恙并單引數目文卷猶存此本官之幸也且該司歷任於

茲三年凡行監督課俱已足額又兢兢自守清
慎有聲屢經紀錄薦獎似未可以此一事之失
而遽掩之倘或念此而量行罰治則又格外之
寬政而非本道所敢望者呈詳到臣該臣詳批
沈運使不能先事隄防雖火起外庭豈得脫然
無干姑以課足守清量從寬議候具題行繳又
據該道呈覆運司原貯引目二百一十七萬二
千五百五十引內燒燬一百五十八萬四千七
百七十七引揀存五十八萬七千七百七十三

引原有勘合憲單總數并榜派四所各冊籍可稽揀焚之時該司目擊並無別弊并議以揀存五十八萬七千七百七十三引通融照額編單行用合候具題補給仍復

舊制等因到臣據此該臣看得兩浙運塩使司公署失火旣燬堂房復焚塩引雖廝隸陳德攜燈召災而消弭之不豫運使沈仰亦難辭其責也除玩役陳德該臣如律究處外若沈仰臣甫入境備詢本官治狀素優錢糧完解如期疊蒙獎薦

紀錄方今浙遭水患商灶困窮而京運通餉
如星火所賴本官長才軫恤綜理似不宜以一
眚掩其賢勞量從罰治則

皇上使過之恩而非臣之所敢必也至燒燬引目一
百五十八萬四千七百七十七引皆歷年水旱
災荒積存挨掣之引各商爲

國輸課已皆捐過引本亦有納過餘塩者未可置
之不補以重內商之困除將揀存引目一面具
在行用合候

聞旨准從補給容臣造冊呈送南京戶部照邊中鹽
糧底簿一一開請補給庶各商不失其故資而
軍儲蚤得接濟鹽法蚤得疏通其關係

國計非淺鮮也等因具題崇禎二年七月初六日
奉

聖旨該部知道欽此欽遵抄出到部送司該本司查
得兩浙運司公署延燒事出意外運使沈仰合
無量行議罰據稱焚燬引目一百五十八萬有奇
關係非小第徵課行引運使爲政燒燬存留亦

惟院道查覈今據鹽院疏開所燬引目已行據
法道查有勘合憲單并榜派冊籍可稽據請補
給應否准從伏候本部批示以便具覆等因呈
堂奉批行塩憑引既經燒燬亦不得不爲補給
也查覆奉此案呈到部該臣等看得兩浙塩賦
亞於兩淮裨益

國計良非渺小顧課出於塩而塩憑於引乃該運
司偶遭回祿引多燒燬數至一百五十八萬四
千七百七十七引固各商資本所關亦

國家軍儲所係誠不可不爲之計者既經院道查
有勘單底冊相應准從補給恭候

命下臣部行文南京戶部并各都察院轉行兩浙巡
鹽御史將所燬引目查照勘合底簿挨年逐號
照數補刷仍俟季編單序掣毋許超先撓越致
紊鹽政至於運使沈仰事出倉卒實非意料所
及鹽臣謂其額課無遺清慎有聲似應量從寬
政第事關職掌合無罰俸五月以示薄懲仍令
策勵供職目前速完春秋二運接濟軍餉可也

崇禎二年七月二十九日具

題八月初四日奉

聖旨是欽此

題覆戶科汪始亨條議屯田照民田起科疏

題爲酌盈濟虛寬天下加派之半益屯損餉補師
中供億之繁以定中外以計萬世治安事專理
新餉山東清吏司案呈崇禎二年閏四月二十
一日奉本部送戶科抄出該戶科給事中汪始
亨題前事本年閏四月十七日奉

聖旨安內重農貴粟是本論清屯屢奉明旨未見下
手實着汪始亨既有確見着詳奏來効勞部查假
濫的便與除冊以疏後滯登兵裁定三千六百如

何餉至十三萬及津兵宜裁戶兵二部查奏
遼屯各督臣早定規畧該衙門知道欽此又該戶
科給事中汪始亨題爲奉

旨詳奏事本年閏四月二十五日奉

聖旨這奏查覈屯產寬從前佃占之罪照民田起科
及缺額官軍屯糧盡行查解法俱簡明直捷但事
係通行不厭詳確內中未盡情弊及施爲次第戶
兵二部作速覆議來說欽此又該兵部尙書王淪
等題爲奉

旨許奏事本年六月二十九日奉

聖旨前准楚邦楨奏查衛所官軍故絕名糧省直奏
報零星不一你部還照地遠近立限與撫按官去
仍題才力司官一員專管督催稽覈奏報含糊即
行駁奏事完方許陞轉解銀歲分兩次不必逐月
進表賢否送部年終叅處如議行欽此又該河南
道掌道事山東道監察御史楊建烈題爲大破
敘功之陋習以慎名器以昭勸懲事本年六月

二十七日奉

聖旨平寇敘功已有旨這所奏一并參酌行屯田
軍事宜還確議具覆該部知道欽此欽遵通抄到
部送司案呈到部隨該臣仰遵

明旨將屯田未盡情弊及施爲次第會同兵部尙書
王洽兵部左侍郎陳正己戶科給事中汪始亨
於東朝房面相商酌詳確除登兵津兵已經督
臣裁報外其屯田事宜相應具覆該臣等看得
屯田之制

國朝一大政也開立之始每軍種田五十畝或百

畝不等爲一必有肥瘠衝緩之別焉初定科則每
軍田一分正糧十二石收貯屯倉聽本軍支用
餘糧十二石給本衛官軍俸糧迨後餘糧免一
半止納六石正糧十二石給軍士用并免盤量
有特示優恤之恩焉衛所旗軍七分下屯三分
守城有寓兵於農之意焉雖時異勢殊通有損
益而屯田規畫大約盡此軍卽是兵屯卽是餉
祖宗朝所謂養兵百萬不費民間一粒粟用此道也今
則盡非其故矣邊塞者每啼饑則呼京運腹裏

者以乏食并廢荷戈饒者自屯田荒蕪也糧
逋負也不知病不在甚弊不在軍以民之籍而
漁軍之利借軍之產而避民之差則科臣汪始
亨所謂佃買屯田者是矣軍之世業奄然有之
卽介冑率多虛名而黠查尙費奔走彼粒食者
獨熙熙果腹也軍何辜也田連阡陌接壤犬牙
百姓之催科攘肌及骨佃軍之豪右簿賦輕徭
肥磽一而甘苦何不均也民何辜也此科臣所
爲痛心疾首爲是益屯損餉之請也查得

大明律例一款凡用強占種屯田五十畝以上官朔
邊衛帶俸差操旗軍軍丁人等發邊衛克軍民
發口外爲民法若是其嚴也遵

宗之法正其罪而奪其產亦不爲過第相傳年遠或
受先人之遺或經迭易其主槩行追究未免株
連則莫若照科臣議將佃買屯田照民田一樣
起科之爲直捷也臣等初擬揀佃買者起科本
軍自業者則否繼而遍訪再四斟酌積弊二百
餘年原田盡已佃賣軍人自種者十不得一焉

甚至百不得一焉若開一假借之門則奸民
匿無不托之乎軍勢必紛更丈踏翻成聚訟不
如畫一起科之爲妥也復簡閱保定撫臣解經
傳謹陳九邊缺餉一疏有云軍地一分儘足自
給後窮軍以屯田典種漸且受價私賣矣始猶
外貼軍錢後漸轉入勢豪供軍不敢問矣通計
見在屯田本軍自業者十無三四據法自當追
奪但念典買曾出價值惟當照民田遼餉例量
爲加增則隱然與科臣議合也第此中不容不

分別者如兩京根本之地士卒爲王氏牙九邊
夷虜之衝軍丁多效捍禦止查其佃買者起科
而各軍自業者可免深求其他外省及兩直屬
郡應照屯田冊籍備查坐落處所無論民種軍
種俱照民田之例槩行起科蓋膏腴之地多入
富豪之家有勢宦富民佃種者有衛所指揮千
百戶占種者亦有豪軍佃種弱軍者此當照民
田起科無疑矣卽千百之中間有一二軍人自
種然土木似人何嘗爲

朝廷緩急之用今邊圉募兵而成之海內靖民
而養之彼坐擁虛名者畧效涓埃以克邊圉亦
其分義所當然耳至施爲次第先請

明旨下各省撫按行屯道兩直屯院行該道督各府
推官查所屬衛所要見某衛某所祖軍一名某
今承繼見軍一名某屯地原額若干畝原分幾
段某段坐落某地方今佃戶某承種或戶丁某
承種各照四至民田上中下則例起科該徵銀
若干逐段註明未仍結一總數造送該府推官

彙送管屯該道該道彙齊總送撫按會

奏仍投冊臣部覆覈兩京以及九邊要見某衛某
所祖軍一名某今承繼見軍一名某屯地原額
若干畝原分幾段某段坐落某地係見軍自種
者後註並無佃賣止照舊例納糧姑免起科係
佃戶承種者後註各照四至民田上中下則例
起科該徵銀若干逐段註明未仍結一總數造
送各管屯官管屯官隸兩京者彙送屯院隸九
邊者彙送總督撫按會

奏仍投冊恒部覆覈其屯道及各營屯官有缺

清楚縷析分明者祈

皇上照科臣議破格優擢有遷延時日或聽軍民隱
占報數朦朧者聽該撫按并該科將屯道屯官
叅糾處分庶人人知警事可底績矣會

奏之期省直近者限四月內冊到稍遠者限五月
內冊到極遠者限六月內冊到至年終而冊可
報竣當以崇禎三年爲起科之始可也若起科
後徵收之法一意責成于府清軍官總解各處

轉解布政司彙解臣部庶便稽覈完欠仍須榜示現種軍地之家無論軍民第令自行輸納不許落指揮千百戶之手蓋不肖武弁慣肆侵漁恣意浪費因之喪身家而不顧者甚多不得不預爲嚴杜也此法一行于軍無損于民有益而獨于勢要富豪之家不便倘有蠱惑人心阻撓成議者省直撫按卽查爲首之人照律例究遣仍追田入官又查將遼餉襍項原有腹裏屯田加派一畝每屯糧一石加銀八分今旣已照畝

起科又無照糧再派之理應免重科以歸惠
其兩京與各邊原納本色屯糧者俱仍其舊不
必紛更但查佃買者量加新增起科之數另項
收解而止此正

明旨所謂未盡情弊宜詳確申飭者也科臣謂省直
增益軍屯幾萬兩卽減民田幾萬兩裒益調劑
用意良苦又議遼平以後民田加派旣蠲卽也
田起科亦與俱蠲再作商量以復

國朝之大政無使後之人謂屯法盡廢於今日其

識見更大更遠臣與樞臣往復斟酌以仰副
議來說之

明旨如此若綜覈查考又在各該撫按及各屯道各
府推官簡閱屯田老冊設誠力行庶酌盈濟虛
之意不僅托之空言也再照九邊之當議寬也
不獨軍處敵衝亦且地多沙漠台臣楊建烈疏
云榆鎮地瘠不毛其一証也台臣又謂甘固寧
衛所土多可耕第嚴責屯田道按籍核實無分
祖軍募軍餘丁抽丁一憑投石超距者卽以前

地付之并隸胆軍項下以杜懸擬年終將清
數目

奏報查核于清屯之中行練兵之術無軍無
餉有餉均屬權變良圖籌邊遠策原與科臣酌
濟兵食之意相符而于腹裏起科之議亦不相
悖所當行令該撫按覆議施行者也若官軍缺
額名糧如指揮楚邦楨所奏報者臣部已遵
明旨行各撫按清查近經樞臣具覆又復奉

旨勅令該部題才力司官專管督催稽覈諒各撫按

自能依限奏報且樞臣原議甚悉臣部不能復贅一詞矣臣等謹會同兵部尚書王洽左侍郎陳正巳酌議具覆伏乞

命下臣部移文各該省直一體遵奉施行崇禎二年八月初二日具題本月初七日奉

聖旨這查覈屯田照民田例起科如議兩直行屯田御史各省行撫按勒限奏報仍着汪始亨專管查叅過限奏報不至者題請行催豪右阻撓的照例究處沒田入官兩京九邊止查佃買陞科餘俱依

議行欽此

題覆兩浙鹽院吳之仁議因水災免加鹽課并蠲稟鹽疏
題爲浙商疲困已極加餉必難再行謹陳萬不可
加之故仰塵

叩見乞

勿該邵覆宸以安商心以速輸將事山東清吏司案
呈崇禎二年七月二十八日奉本部送戶科抄
出兩浙巡鹽監察御史吳之仁題前事本年七
月二十三日奉

聖旨這奏浙鹽加餉事情卽與確覆訪究勢豪窩圖

等獎嚴行申飭該部知道欽此欽遵抄出到部
司相應具覆案呈到部該臣等看得

國家自然之利無如塩筴故處匱乏不妨於量加
而度時勢不嫌於慎重總以宜商民而贍軍

國也頃者臣部因邊餉缺額思效補苴一時廷臣
會議多及塩政其意大都主於加引督師袁崇
煥以引多則引積而塩不行加餉則引不穩而
餉自裕此所以有加引不如加餉之議因論及
兩浙地廣之宜加也一段籌

國苦心真以天下爲己任者今據兩浙鹽臣臚列
浙課難加之故極爲諄懇以地論則謂地多濱
海不能全行引鹽也以課論則謂助遼助工加
更無可加也以時論則謂浙自舊秋海嘯災變
之後場灶陸沉產鹽不多商賁傾蕩瘡痍尚未
起也復接兩浙鄉紳陶崇道等揭帖備悉浙省
海變鹽灶湮沒之害慘烈拊心蓋鹽臣親履其
地鄉紳生於其土彼中情景較局外之揣度更
真且其籌邊爲國具有同心若非萬分難加

必不諱諱請

命合無念兩浙水災之餘與別運司有間目前暫免
加課俟一二年後場灶完具生理漸復再議增
加調劑緩急似有不得不出於此者至於兩浙
鹺政受病全在私販克斥陸則逐隊成行水則
聯帆啣尾鳴鑼執仗白晝橫行在捕役受其常
例而出沒不問在閭閻利其價賤而交易自繇
自非鹽臣行破柱之威爲澄清之計豪強恣縱
將安底止昨長蘆鹽臣喻恩恂奏請訪緝私販

已奉有訪拿巨奸不在禁例之

明旨今令如鹽臣之請嚴加申飭果有勢豪興販窩
囤私鹽者聽鹽臣不時訪拿盡法究處毋令撓
亂鹽法可也又有說者肩挑擔負例不作私鹽
論良以小民自食其力故寬之耳近聞兩浙鹽
擔絡繹出途動至二三十人明係結黨私販其
不宜從寬政審矣合著爲令偕行至五人以上
擔負至五十斤以上俱作私鹽論則前弊可杜
也若私鹽之外有名雖公而陰行其私者無如

票鹽益兩浙引塩每引正塩二百斤餘塩九十
斤該引價三錢五分照例輸粟於邊又納餘塩
銀二錢上下是費五錢有奇之本以行二百九
十斤之塩而票塩則不然考之兩浙鹺規如大
票每張行塩三百斤納稅則止二錢與一錢五
六分中票每張行塩一百五十斤納稅則止一
錢小票每張行塩一百斤納稅則止三分其視
引塩納課之數相去不啻倍蓰又有功蹟票塩
則以所獲私塩給票另賣仍浸淫於引塩

之內何怪乎正引日蹙而鹽法日壞也昨臣部
與科臣黃承昊俱有疏請禁票鹽奉

旨通行尚未回報今鄉紳又復申言票鹽當禁極爲
懇切合行鹽臣從長酌議孰爲必不可裁以仍
舊貫孰爲亟當裁革以疏官引務求妥確永便
通行將見私販旣不得行其奸鹽票又不致妨
其額今日正課無虧可免鹽臣督漕之責其日
正引不獲并可行督師增課之法固一舉兩利
之道也伏乞

命下臣部行文都察院轉行兩浙巡鹽御史遵照施行

崇禎二年八月十五日具

題本月十九日奉

聖旨浙方被災加課且緩議票鹽納稅虧少明妨正課因何向來沿習巡鹽御史卽查明停止仍詳悉奏來私販橫行多繇勢豪窩縱着責成有司嚴拿貴要阻撓的指名叅奏肩挑聚衆亦與禁飭該衙門知道欽此